

ԲԱՆԱՎԵՃԵՐ ԵՎ ՔՆՆԱՐԿՈՒՄՆԵՐ ДИСКУССИИ И ОБСУЖДЕНИЯ

ԳՅՈՒՂԱԿԱՆ ՀԱՄԱՅՆՔԸ ՀԱՅԱՍՏԱՆՈՒՄ ՎԱՂ ԵՎ ԶԱՐԳԱՑԱԾ ՖԵՈԴԱԼԻՋՄԻ ԴԱՐԱՇՐՋԱՆՆԵՐՈՒՄ

Պրոֆ. Ս. Ե. ՀԱԿՈԲՅԱՆ

Հայտնի է, որ ֆեոդալիզմի դարաշրջանից մեզ հասած հայ և օտար սկզբնաղբյուրներում չեն պահպանվել տեղեկություններ հայկական դյուղական համայնքի մասին: Համայնքի մասին համապատասխան վկայությունների բացակայության հետևանք պետք է համարել այն, որ հայ ժողովրդի սոցիալ-տնտեսական կյանքը հետազոտող մեր բոլոր պատմաբաններն էլ խիստ թեական, շատ հաճախ կասկածանքով են խոսել համայնքի մասին ոչ միայն միջնադարյան, այլև հին Հայաստանում: Այսպես, օրինակ, պրոֆ. Ն. Ադոնցը մի շարք առիթներով նշել է, թե «Արևելյան ֆեոդալականությունը գիտե տոհմային հողատիրություն, բայց ոչ համայնական», կամ՝ «Հայաստանի երկու խոշոր հարևան պետությունները՝ իրանական արևելքը և բյուզանդական արևմուտքը, որոնց ազդեցության տակ կերտված է հայ կյանքը, ծանոթ չեն բնավ համայնական հողատիրության»¹:

Պրոֆ. Ն. Ադոնցը, բանավեճի մեջ մտնելով ակադ. Հ. Մանանդյանի հետ, դրում է, որ Հ. Մանանդյանը իբր ոչ մի հիմք չունի «համայնատիրական կարգեր որոնել Հայաստանում»²:

Հայ պատմագրության մեջ հին և միջնադարյան Հայաստանում համայնքի, համայնքային գյուղացիության, համայնական կարգի հանդամանորեն քննարկման պատիվը պատկանում է ակադ. Հ. Մանանդյանին: Հեղինակն իր մի շարք աշխատություններում բազմաթիվ անգամ նշել է, որ «Համայնական հողատիրությունը...», որը «համատարած ու բնդհանուր երևույթ է եղել պատմական զարգացման սկզբնական շրջանում... գոյություն ունեցած պիտի լինե՞ր ևս Հին Հայաստանում»³: Անդրադառնալով այս նույն պրոբլեմին, ակադ. Հ. Մանանդյանը մատնանշել է, որ «նախարարական Հայաստանում ևս դժվար

1 Ն. Ադոնց, Հին հայ շինականություն (տե՛ս «Պատմական ուսումնասիրություններ», Փարիզ, 1948, էջ 157—158):

2 Նույն տեղում: Մեզ համար զարմանալի և միաժամանակ տարօրինակ է Ն. Ադոնցի այս դրույթը: Զէ՛ որ դեռևս 1908 թ. նա՛ր նշում է համայնքի և համայնական հողատիրության առկայությունը հին Հայաստանում: «Аллоды, как вотчины, свободная от повинностей наследственные земли,—~~դրել է հեղինակը~~,—~~восходят генетически к тем земельным владениям, кои составляли когда-то принадлежность общин, а затем с распадом их перешли к главам или тем сильным элементам из которых сложилась будущая знать~~» («Армения в эпоху Юстиниана», СПб, 1908, էջ 438): Ավելիև, նա ծանացել է ապացուցել, որ «Крестьянский надел у армян обозначался термином կհանր, արար, կալուած, впрочем эти же выражения прилагаются также к княжеским и церковным владениям» (նույն տեղում, էջ 480):

3 Հ. Մանանդյան, Ֆեոդալիզմը հին Հայաստանում, Երևան, 1934, էջ 190 (այս և հետագա բոլոր բնդծումները մերն են — Ս. Հ.):

Սոցիալիստական հասարակության կարգերն (կարգա՝ համայնական հողատիրություն — Ս. Հ.) իրենցում անհետ կորած լինելն կամ «անհավանական չէ՝ հայտնի, որ հայերեն համայնական-տոհմական կյանքի ֆեոդալացումից հետո համայնական հողատիրությունը՝ որպես երկրագործական արտադրության մեջ կարգ էր հարմարեցված լինել կալվածատիրական նոր պայմաններին և սրտի լնդերում պանդխտության ծիրանի իր գոյությունը, կրելով իր հիմնական բովանդակության խոշոր փոփոխություններ՝ նրան «Ֆեոդալիզմի» հիմնական հատկանիշներից մեկը անկախ. Հ. Մանանդյանը գտնում էր, որ «Հին Հայաստանում թե՛ Արշակունյաց թագավորության ժամանակ և թե՛ նրա անկումից հետո կարգ էին գոյություն ունենալ համայնական հողատիրության վերաբերյալ միայն, ապա իր «Մինչարշակունյաց Հայաստանի հասարակական կարգի խնդիրը» ուսերեն հողվածում և «Քննական տեսության հայ ժողովրդի պատմության» աշխատության մեջ արդեն անվերապահորեն քննարկում է համայնական համայնքային հողատիրության գոյությունը և՛ Արշակունյաց թագավորության ժամանակաշրջաններում, և՛ հետագայում ազգային և օտար աղբյուրների մի շարք վկայություններ, Հ. Մանանդյանը ցույց է տալիս, որ Հայաստանում արտադրության հիմքը եղել են ոչ թե ստրկատիրական մասսայական աշխատանքը, և ոչ թե ստրկատիրական բաժնեկցականները, այլ գյուղացի համայնական և համայնական հողատիրությունը։ Ամփոփելով իր ասույթները հին Հայաստանի և Վրաստանի համայնքների մասին, անկախ. Հ. Մանանդյանը որպես ընդհանուր եզրակացություն գրել է. «Наличность общины в аршакидской и багратидской Армении не подлежит никакому сомнению, так как в источниках удалось обнаружить отдельные характерные ее элементы. Мир и общинное землепользование с пределами земли»⁶.

Մեզ համարում էր, որ Հայաստանի ներքին կացությանը Զաքարյանների ժամանակ, անկախ. Հ. Մանանդյանը գրել է, որ աղբյուրների մեջ կան որոշ ակնհայտ հանդիմակր չի վկայակոչում, որոնք հիմք են ծառայում ժամանակաշրջանում ևս Հայաստանում գոյություն էին համայնքներ և համայնքային հողատիրությունը⁷։ Եվ Հ. Մանանդյանի կարծիքով գյուղացիների հողաբաժինները, հարմարեցված համայնական ձևեր Հայաստանում կոչվել են ոչ թե «կյանք», «արտադրություն», «կալուած» ինչպես կարծել է Ն. Ադունցը, այլ «վիհակ»⁸։ Հին և միջին դարերում հայկական համայնքի մասին մի շարք ակնարկներ ունենալով, իսկ Սամուելյանը Անդրադառնալով «հայկական ֆեոդալիզմի առանձնահատկությունների պատմությանը, պրոֆ. իս. Սամուելյանը նշել է, որ «հայկական ֆեոդալիզմի» ամենակարևոր առանձնահատկություններից մեկն է, այն էր, որ «...այդ ֆեոդալական հասարակության մեջ կանգուն ու

⁶ Նույն անգամ.

⁷ Манакиан С. А. Проблема общественного строя доаршакидской Армении (см. «Исторический вестник» АН СССР, № 15, 1945, էջ 20—21)։

⁸ Նույն անգամ, էջ 21։ Հմմտ. Д ж а в а х о в, Государственный строй древней Грузии и Армении, СПб. 1905, էջ 9, 71 և հա.։

⁹ Հ. Մանանդյան. Քննական տեսություն հայ ժողովրդի պատմության, հատ. 4-երկան, 1952, էջ 177։

¹⁰ Նույնի, Ֆեոդալիզմը հին Հայաստանում, էջ 201, հմմտ. Նաև Проблема общественного строя доаршакидской Армении, էջ 21։

տնտեսական գոյություն էր պահպանում գյուղական համայնքը, որից, իսկապես, դարգացել է արևելյան տիպի ֆեոդալիզմը»⁹։ Խ. Սամուելյանի կարծիքով, հայկական գյուղական համայնքը «հայ ժողովրդական կենցաղում մինչև XIX դարի վերջերս՝ զարմանալի պահպանողականությունը» հարատևել է իր գոյությունը։ Հայաստանում համայնքն այնքան մեծ դեր է խաղացել, որ «հողային պետական իրավունքը... դարգացել է ֆեոդալիզմի ծագման ու կազմավորման պրոցեսում՝ գյուղական համայնքի միջոցով»¹⁰։ Եթե գյուղական համայնքը, շարունակում է հեղինակը, «...մինչև ֆեոդալական հասարակական ձևի կազմավորումը օժտված էր իր տերիտորիայի սահմաններում գերագույն հողային իրավունքով և համայնական հողերի տերն ու տնօրենն էր, ապա ֆեոդալական պայմաններում այդ իրավունքը ըստ համանմանության փոխանցվում է պետական իշխանությանը, և համայնքին վերապահվում է միայն հողային տիրության կոնկրետ վիճակով, բայց ոչ թե սեփականատիրական ձևը»⁹։

Հանգամանորեն քննարկելով հողատիրության «հայրենիք», «պարզականք», «զանձագինք» ձևերը, համեմատելով այդ ձևերը արևմտաեվրոպական («allod», «feod», «beneficium» ձևերի հետ, Խ. Սամուելյանը գրել է, որ «ֆեոդալիզմը Հայաստանում, ինչպես և ընդհանրապես Արևելքում, դարգացել է նախնադարյան կոմունիստական տոհմային հասարակության քայքայումից, սնցնելով գյուղական համայնքի միջով, որը պահպանեց իր գոյությունը Հայաստանի սմբուղ ֆեոդալական պատմության մեջ»¹⁰։

Չնայած մեր անվանի հայագետները ընդունել են «համայնքի», «համայնքային գյուղացիության» և նույնիսկ «համայնական կարգի» առկայությունը հին և միջնադարյան Հայաստանում, սակայն մինչև օրս էլ դեռևս լուծված չեն այն հարցերը, թե ե՞րբ, պատմական ինչպիսի՞ պայմաններում է ծագել, դարգացել գյուղական համայնքը, դարգացման ինչպիսի՞ էտալոններ է անցել այն, ինչպիսի՞ հարաբերություններ են եղել համայնքի և կենտրոնացած պետության, համայնքային գյուղացիության և հողատեր-ֆեոդալների միջև. սոցիալ-տնտեսական ինչպիսի՞ պայմաններում են գտնվել և ի՞նչ իրավունքներ ու պարտավորություններ են ունեցել համայնքային գյուղացիները։ Այս հարցերի քննարկմանն է նվիրված մեր այս հոդվածը։

* * *

Մարդկային հասարակության պատմությանը հայտնի են եղել համայնքների տարբեր տեսակներ։ Գեռես շատ վաղ շրջանում կազմավորվել են մարդկանց սոցիալական տարբեր կոնկրետներ՝ «տոհմային» (родовий), «ընտանեկան» կամ «տնային» (домовий) համայնքներ։

«Տոհմային» համայնքը կազմավորվել է միևնույն տոհմակից-ցեղակիցների արյունակցական-ազգակցական կապերի ու հարաբերությունների հիմքի վրա։ «Տնային-ընտանեկան» կամ «նահապետական համայնքը կազմավորվել է «...մայրիշխանության և անհատական ընտանիքների միջև ընկած ժամանակաշրջանում»։ Ես իր մեջ ընդգրկել է մի նախահոր մի քանի սերունդներ, որոնք, ինչպես ասել է Էնգելսը, «բոլորն ապրում են միասին... իրենց

⁹ Պրոֆ. Խ. Սամուելյան, Հին հայ իրավունքի պատմություն, հատ. I, Երևան, 1939, շ. 33, 39, 158—159 (այս և հետագա բոլոր ընդգծումները մերն են — Ս. Ն.)

¹⁰ Նույն տեղում, էջ 185—186։

արտերը միասին են մշակում, սնվում ու հագնվում են բոլորի համար ընդհանուր պաշարներից և արդյունքի ավելցուկի ընդհանուր տներն են՝

«Տնային» կամ «ընտանեկան» մեծ համայնքը, մի շարք առիթներով մատնանշել է էնգելսը, հանդիսացել է «...անցման այն աստիճանը, որից զարգացել է գյուղական կամ մարկային համայնքը՝ վարելահողերի ու մարգագետինների անհատական մշակությամբ և նրանց նախ պարբերական, ապա վերջնական բաժանումով»¹¹։

Անոռումը մարդկային հասարակությանը հայտնի համայնքների մի ձևից դեպի ավելի բարդ ու կատարյալ ձևը ընդգրկել է պատմական հսկայական ժամանակաշրջան։ Միայն դարեր անցած, — զրել է էնգելսը, — երբ ընտանեկան համայնքի անդամների թիվն այնքան մեծացավ, որ այն ժամանակվա արտադրության պայմաններում այնքան հնարին էր ընդհանուր տնտեսություն վարելը, ընտանեկան համայնքը քայքայվեց։ Մինչև այն ժամանակ ընդհանուր տիրապետության տակ գտնվող վարելահողերն ու մարգագետինները ծանոթ եղանակով սկսեցին բաժանվել այժմ նոր կազմվող առանձին տնտեսությունների միջև, և կգրում ժամանակավոր կերպով, հետագայում միանգամ ընդմիջտ, մինչգետ անտառները, արոտավայրերն ու ջրերն ընդհանուր սեփականություն մնացին»¹²։

Ոչ միայն «տոհմային», «ընտանեկան» կամ «նահայետական», այլև գյուղական-երկրագործական համայնքն էլ իր գոյությունը պահպանել է հարամյականների ընթացքում։ Հատկապես նա շատ ուժեղ, կենսունակ է եղել հին Քաբլոնում, Եգիպտոսում, Միջագետքում, Հնդկաստանում, Չինաստանում և արևելյան այն բոլոր երկրներում, որտեղ ֆեոդալական արտադրահարաբերությունները ծագել, զարգացել են «ընտանեկան-նահայետական, կամ չսրողված» ստրկության հարաբերությունների հիմքի վրա կամ նրանց հետ միաժամանակ։

Գյուղական համայնքը պակաս ղեր չի խաղացել նաև այն երկրներում, որտեղ արտադրության ֆեոդալական եղանակը ծագել ու զարգացել է անտիկ ստրկատիրական հարաբերությունների քայքայման ու ճգնաժամի հիմքի վրա։

Այս երկրներում էլ համայնքային սովորույթներն այնքան կենսունակ են եղել, որ իրենց կնիքն են գրել նույնիսկ քաղաքների ու քաղաքային կյանքի վրա։ Կ. Մարքսը, խոսելով համայնքի խաղացած դերի մասին գրել է. «Համայնքը ամբողջ միջնադարում եղել է ժողովրդի կյանքի և ազատության միակ օջախը»¹³։

Հին հայկական գյուղական համայնքի մասին մի երկու ուղղակի, բայց մեծ մասամբ անուղղակի վկայություններ է թողել Քսենոֆոնը իր «Անտի-բազիս» և «Կիրոպեդիա» աշխատություններում։

Անտիկ աշխարհի գորապետը Արմենիան կոչել է «մեծ ու բարեկեցիկ» երկիր։ Այս «մեծ ու բարեկեցիկ» երկրի բնակչությունը նստակյաց էր. նա զբաղվում էր ոչ միայն երկրագործությամբ, այլև այգեգործությամբ, մշա-

¹¹ Ց. ր. է. ն. գ. է. ս., Ընտանիքի, մասնավոր սեփականության և պետության ծագումը, Երևան, 1948, էջ 77, 186։

¹² Նույն տեղում, էջ 80։

¹³ Նույն տեղում, էջ 186։

¹⁴ К. Маркс и Ф. Энгельс, Сочинения, том XXVII, էջ 604։

կում էր տեխնիկական կուլտուրաները Արմեն-հայերը ցանում էին ցորեն, գարի և այլ հացարույսերը։ Հացարույսերը աղում էին, պատրաստում հաց, դարուց ստանում էին աղիից խմիչք։ Մշակում էին այգիները, բանջարանոցները, ստանում խաղող, սեխ, ձմերուկ և կորիզավոր բաղամասերակ պտուղներ։ Այգեգործության արդյունքներից ստանում էին անուշահոտ դիմիկներ, ողի, ոգելից այլ խմիչքներ, պատրաստում էին չամիչ։ ունեին բոլոր տեսակի բնականներ, մշակում էին քնջութ, ձիթապտուղ, խոզի ճարպ, դառը նշի և բեկկնի յուղեր։ Ունեին բնական կենդանիներ՝ եղներ, կովեր, ձիեր, ոչխարներ, աշծեր և թռչուններ։

Արմենների ճնշող մեծամասնությունը, ասում է Քսենոֆոնը, ապրում էր գյուղերում։ Յուրաքանչյուր գյուղ ուներ իր գյուղապետ՝ գեղջավաղ՝ կամ սատրապը։ Գյուղի կառավարչական բարձրագույն օրգանը համարվում էր համայնաժողովը։ Համայնաժողովը համայնքի գործերը կառավարելու համար ընտրում էր «ավագներին» կամ «ծերերին» խորհուրդ, որի մեջ մտնում էին «երեսիլի և պատվելի արմենները»։ Գյուղապետ-սատրապը մյուս արմեններից յոթերեքերով համար ապրում էր իր համար կառուցված «ապարանք-ամրոցում»։ Նա կառավարում էր գյուղը, բաժանում և վերաբաժանում հողերը, պարտավոր էր ռազմական արշավանքների ժամանակ մատակարարել բանակը, կազմակերպել ու ղուրս բերել զուսմակ։

Հայկական համայնքում ընդգրկված յուրաքանչյուր «տուն», «ծուխ», «երդ» ուներ իր առանձին բնակարանը, որտեղ մարդկանց հետ ապրում էին նաև բնական կենդանիները։ Բոլոր տները... զետեղված էին, մուտքը ջրհորի բերանի նման, իսկ ներքեն ընդարձակ։ Կենդանիների համար հատուկ մուտք կար փորված, իսկ մարդիկ իջնում էին ցած սանդուղքներով։ Տների մեջ կային աշծեր, ոչխարներ, եղներ, հավեր և սրանց ճուտերը»¹⁵։

Ահա այս առանձին տների կուլեկտիվ կազմակերպությունն էլ հանդիսանում էր գյուղական այն համայնքը, որի հիմքում արդեն ընկած էին ոչ թե արյունակցական-ազգակցական, այլ տերիտորիալ-տնտեսական կապերն ու հարաբերությունները։

Քսենոֆոնի մոտ կան մի շարք այլ վկայություններ, որոնք մեզ հիմքեր են տալիս ասելու, որ այդ պատմաշրջանում արմեն-հայկական հասարակությունը ներառված էր նյութական և սոցիալական ընդգծված շերտավորման ոլորտի մեջ։ Նստակյազ և երկրագործ արմենները ժողովրդական տնտեսության մեջ լայն շափով օգտագործում էին երկաթը և այլ մետաղներ։ Նրանք ունեին երկաթե խովով զուլան, արոր։ Քսենոֆոնն իր աշխատություններում փաստեր է բերում, որոնք հաստատում են, որ այս շրջանում մասնավոր սեփականությունը և անհատական հարստություններն աճում են արտակարգ չափերով։ Արմեն-հայերի թագավորի և նրա բնական շարստությունը կազմում էր 3000 տաղանդ կամ 12 միլիոն ոսկի ոտրլի։ Բավականին հարստություն ունեին իշխանները, «երեսիլի և պատվելի արմենները»։ Անտիկ գորավարը նշում է, որ Արմենիայում բացի թագավորից, մեծամեծ իշխաններից,

¹⁵ Քսենոֆոն, Անաբազիս, գիրք 3, գլ. 5, գիրք 4, գլ. 1, 4, 5, 7, Կիրոպեդիա, գիրք 2, գլ. 4, գիրք 3, գլ. 1, 2, 3 (այս մեջբերումները վերցված են ակադ. Հ. Մանանդյանի թարգմանությունից, տե՛ս Հ. Մանանդյան, Քենական տնտեսություն հայ ժողովրդի պատմության հատ. II, էջ 381—412)։

գյուղացիներին կային նաև ծառա-աղախներ, ստրուկներ, ջրկիրներ, փայտակիրներ, զուսակավորներ, վարձկան զինվորներ։ Անտարակուսելի է, որ այս հասարակությունը չէր կարող տոհմային հասարակություն լինել։ Հասարակական արտադրական միավորն այս շրջանում արդեն գյուղական համայնքն էր։

Դժբախտաբար Քսենոֆոնից մինչև հայ մատենագրության հանդես գալիս մենք հայկական գյուղական համայնքի մասին և ոչ մի վկայություն չունենք։ Սեր մատենագիրները, ինչպես հայտնի է, շատ սակավախոս են, երբ խոսքը վերաբերում է հասարակության համար անմիջական նյութական բարիքներ արտադրողներին։ Բայց եղած հատուկներտ վկայությունները ցույց են տալիս, որ վաղ ֆեոդալիզմի դարաշրջանում ավելի ու ավելի են կատարելագործվում երկրագործական արտադրամիջոցները, համեմատաբար ինտենսիվ են դառնում հողամշակման ձևերն ու մեթոդները։ Պահպանվել են վկայություններ, լայն մասին, որ հողագործ-մշակները հողերը մաքրում են մոլախոտերից, դաշտ են փոխադրում պարարտանյութեր՝ մոխիր, դոմալը։ Մշակում են տեխնիկական կուլտուրաներ՝ կտավհատ, վուշ, կանեփ, բամբակ, բրինձ¹⁶։

Մ. Խորենացու մոտ պահպանված մի երկու թուղթիկ ասույթներից դատելով կարելի է ասել, որ իրոք հին շրջանում ամեն մի գյուղ, ազարակ հանդիսանում էր մի համայնք։ Պատմահայրը խոսելով Արտաշես Ա-ի գործունեության մասին նշել է, որ նա իր պետության գործերը կարգավորելուց հետո հրամայում է՝ «...զսահմանս զրիզից և Վաղարշապատ քաղաք մարգացոյց զաշխարհս Հայոց...»։ Արտաշես Ա-ի օրոք, շարունակում է Խորենացին, հայոց աշխարհի բնակչության թիվը այնքան էր բազմացել, որ թագավորը կարգադրում է նրանց մի մասին բնակեցնել «...ի լերինս և ի հովիտս և ի դաշտս...»¹⁷։ Այն մասին, որ հին Հայաստանում գյուղերի մեծ մասը առանձին համայնքներ էին, որ յուրաքանչյուր համայնական ստանում էր «հաւասար» և «ըստ մարդաթուի» հողաբաժին, ուշագրավ վկայություն ունի Խորենացին։ Հայոց Արշակունի Տիգրան-Տիրան թագավորի օրոք Հաշտյանը զավառում բնակչություն հաստատած նրա ազգականները դիմում են թագավորին ասելով. «...ընդարձակեա՛ մեզ զժառանգութիւնս, զի նեղ է. քանզի բազմացար յոյժ...»։ Բայց թագավորն «...ոչ ինչ ունկնդիր լինի... այլ հաստատեալ վճիռ՝ ոչ այլ Պառանգութիւն տալ նոցա, բայց զոր ունէինն՝ Խաւսաւ տրոնել յինքնանս»¹⁸։ Երբ, շարունակում է Խորենացին, հողը «հաւասար» և «ըստ մարդաթուի» բաժանվեց, պարզվեց, որ Հաշտյանը զավառում բնակչություն հաստատած ժառանգների հողաբաժինները պակաս զուրս եկան, նրանց մի զգալի մասը փոխադրվեց և բնակչություն հաստատեց «ի պաւսոն Ադիովտի և Աոբերանույ»¹⁹։

Վկայակոչելով Մ. Խորենացու այս հատվածները, ակադ. Հ. Մանանդյանը գտնում է, որ «ամենաուշագրավը և կարևորը Խորենացու վկայության մեջ

16 Տե՛ս «Ազաթանգեղայ Պատմութիւն հայոց», Թիֆլիս, 1914, էջ 259, 324—325. հմտ. նաև էջ 53, 262, 264, 265—270 և ուրիշներ։ Տե՛ս նաև «Ղազարայ փարսէցու Պատմութիւն հայոց» և «Թուղթ առ Վահան Մամիկոնեան», Տփղիս, 1904, էջ 9—10; «Փաւստոսի Թիւզանդացւոյ Պատմութիւն հայոց», Ս. Պետերբուրգ, 1883, էջ 124։

17 «Մովսիսի Խորենացւոյ Պատմութիւն հայոց», Տփղիս, 1913, էջ 186։

18 Նույն տեղում, էջ 195։

19 Նույն տեղում։

ոչ այնքան նրա պատմական կողմն է... այլ դիսավորապես հողաբաժանման այն հատուկ կարգը՝ «հաւասար» և «ըստ մարդաթիւի», որն ըստ երևույթին գոյություն է ունեցել Հայաստանի իրական կենցաղի մեջ և, հավանաբար, հենց հորինացու իսկ ժամանակ»²⁰։

Բանավեճի մեջ մտնելով ակադ. Հ. Մանանդյանի հետ, պրոֆ. Ն. Ազոնցնի իր «Հին հայ շինականությունը» ուսումնասիրության մեջ գտնում է, որ «իրեն հայտնի չէ և շատ տարօրինակ է լսել, որ հողի հավասար բաժանումը նշան լինի համայնական կարգի։ Բաժանման որևէ կղանակ ինքնին չէ կարող հատկանիշ համարվել հողատիրության...։ Որպեսզի հողը համայնական համարվի, պետք է ցույց տրվի, որ նրա իրավատերը համայնքն է։ Իսկ բաժանման կղանակը համայնական արժեք կունենա միայն այն դեպքում, երբ նա ծագում է համայնքից որպես արտահայտություն նրա իրավունքի»²¹։ Անկասկած է, որ ուղղակի վկայությունների բացակայության դեպքում խիստ դժվար է ապացուցել, որ հին Հայաստանում հողային ֆոնդի մի զգալի մասի իրավատերը հանդիսացել է համայնքը։ Սակայն ինչպես հորինացու, այնպես էլ մյուս մատենագիրների մոտ պահպանված մի շարք անուղղակի փաստերը մեզ հնարավորություններ են բնօրինակում ապացուցելու, որ հին Հայաստանում առկա են եղել և՛ գյուղական համայնքներ, և՛ համայնական հողատիրություն։ Նախ, ինչպես նկատեցինք, յուրաքանչյուր առանձին գյուղ հանդիսացել է մեկ համայնք, ամեն մի համայնք իր հերթին հանդիսացել է առանձին «տների», «ծխերի», «երգերի», «գերդաստանների» կոլեկտիվ կազմակերպություն։ Համայնքներում բնդրկված գյուղացիները հայտնի են եղել «երգավորներ», «ծխատերեր», շինականներ անունների տակ։

«Տունը» որպես նահապետական մեծ բնտանիք, հայտնի է եղել ղեռնաշատ վաղ ժամանակ։ Մ. հորինացին պատմում է, որ Հայկը խրոխտանալով Բելի դեմ և չցանկանալով ենթարկվել նրան, իր որդիների, գստերի, թոռների և «այլովք բնդոծնօք» գալիս է «յերկիրն Արարազայ...»։ Այստեղ Հայկը կառուցել է տալիս «տունն Բնակութեան կալուածոց և տայ ի ժառանգութիւն Կազմեայ՝ որդւոյ Արամանեկայ»²²։ Անկասկած է, որ այս հատվածում հիշատակված «տունը» ղեռնա նահապետական մեծ բնտանիք է. սակայն այն փաստը, որ նահապետական այս մեծ բնտանիքում կային բնդոծին-օտարածին ռազմադերի-ստրուկներ և Հայկի ժառանգությունը անցնում է ոչ թե ամբողջ տոհմին, այլ Արամանյակին, ցույց է տալիս, որ Հայկի «տոհմ-տունը» միատարր, միասնական չէր, այլ առնված էր նյութական ու սոցիալական շերտավորման ոլորտի մեջ։ Ավելին. եթե Հայկի շրջանում «տունը» ղեռնա նահապետական մեծ բնտանիք էր կամ նահապետական համայնք, ապա «տունն» այլ իմաստ ու նշանակություն է ստանում վաղ և գտրդացած ֆեոդալիզմի դարաշրջանում։ Այս պատմաշրջաններում «տուն» նշանակել է «կարողություն», «տիրույթ», «կալվածք», և նույնիսկ առանձին շրջան, դավառ, երկիր, աշխարհ²³։ Ավելի ուշագրավ վկայություններ կան «երդ»-երի, «երդավոր»-ների մասին։

20 Հ. Մանանդյան, Ֆեոդալիզմի հին Հայաստանում, էջ 194—195։

21 Ն. Ազոնց, Պատմական ուսումնասիրություններ, էջ 158—159։

22 Մ. հորինացի, էջ 33։

23 Տե՛ս և հմմտ. Մ. հորինացի, էջ 38, 40—41, 222—223, 228, «Փառատոսի Բողան-դացւոյ Պատմութիւն հայոց», Ս. Պետերբուրգ, 1883, էջ 17—18, 109—110, 119, 133, 214, «Հաղարայ Փարպեցւոյ Պատմութիւն հայոց և թուրք առ վահան Մամիկոնեան», Տփղիս, 1904։

Եղիշեն, Ս. Կաղանկատվագին ասում են, որ Աղվանից Վաչե թագավորը պահանջում է իրեն վերագարձեն իր, զգմանկութեան սեպհականն, զոր հօր իւրոյ շնորհեալ էր... ի տղայութեանն հաղաւ Երդ²⁴:

Ահա այս առանձին տների, երգերի, ծխերի կուեկտիվ կազմակերպությունն էլ հանգիստանում էր այն համայնքը, որը արդեն խարսխված էր ոչ թե ազգակցական-արյունակցական, այլ տերիտորիալ-տնտեսական կապերի ու հարաբերությունների վրա: Պահպանվել են ուղղակի վկայություններ այն մասին, որ յուրաքանչյուր համայնք սիստեմատիկարար բաժանում է վերաբաժանում էր իր տրամագրության տակ եղած հողերը ոչ միայն «հաւասարօ և արստ մարգաթուի», այլև արստ երգս-երի:

Ազաթանգեղոսը բառեր չի գտնում գովերգելու Տրգատ Ի թագավորի և Գրիգոր Լուսավորչի շինարարական գործունեությունը: Մատենագիրն ասում է, որ իրը նրանք եկեղեցիներ են կառուցել տալիս «...յամենայն աշխարհս, ի գաւառս, ի կողմանս, ի քաղաքս, յաւանս, ի շէնս, ի գեօղս և յազարակս»²⁵:

Այս նորակառույց եկեղեցիներին և նրանց բազմաքանակ սպասավորներին նյութապես ապահովելու համար Տրգատ Գ թագավորը կարգադրում է «...յամենայն իշխանութեան իւրում առ հասարակ... չորս չորս հողս Երդս յամենայն ազարակ տեղիս, իսկ յաւանսն եօթն եօթն հողս Երդոյ՝ ի ծառայութիւն սպասաւորութեան քահանայութեանն, նուէր պտղոյ Տեառն մատուցանէր»²⁶:

Տրգատ Գ թագավորից (298—330) մինչև Պապ թագավորը (369—374) ընկած ժամանակաշրջանում հայ ֆեոդալական եկեղեցին այնքան էր հզորացել, որ Պապը նրան տնտեսապես թուլացնելու համար հրամայում է բռնադրավել «...զհող եկեղեցւոյն զոր տուեալ էր թաղաւորին Տրգատայ առ մեծան Գրիգորի քահանայապետի ի սպասս պաշտաման եկեղեցւոյն ընդ ամենայն երկիրն Հայոց: Զի լեւրն հողոյն զմինգս հաաանէր յաւառնիս, և զերկուսն միւսն քողոյր Երկուս հողս: Եւ քստ հողոյն քողոյր Երկուս Երկուս առ զեղ մի, իւրէց և սաւրկաւագ, եւ զայն ի սպասու կացուցանէր յիւր ի ծառայութեան գեղարս եւ զորգիս երեցանցն եւ սարկաւագացն»²⁷: Արդ, ինչ է նշանակում Ազաթանգեղոսի և Բուզանդի մոտ իրարից անկախ հիշատակված «հող երդոյն»:

էջ 47, 52, 122, 125. «Եղիշէ՛ր Պատմութիւն Վարդանանց», Թիֆլիս, 1913, էջ 119. «Գիրք աստուածաշունչ մատեան հին և նոր կտակարանաց», Վենետիկ, 1860, Ելք Ժ. 24, ԺԲ 37, ԻԶ 6, Կ. 34, Թիւք Ժ. 12, ԺԶ 2, 7, ԼԱ. 9, 17, 18, ԼԲ. 16, 24, 30, Բ. արեւք Ա. 12, Ի. 14, Յովք. ԻԶ. 13, ԼԸ. 6, Յովհան Բ. 7. «Պատմութիւն Սերկոսի եպիսկոպոսի ի Հերակյ», Թիֆլիս, 1913, էջ 111. «Ղեւոնդեայ վարդապետի Պատմութիւն», 1887, էջ 41—42, 104—105, 119—129. «Յովհաննու կաթողիկոսի Դրասխանակերացոյ Պատմութիւն Հայոց», Թիֆլիս, 1912, էջ 80. «Թովմայի վարդապետի Արթուրուս Պատմութիւն տանն Արթուրուսեաց», Ս Պետերբուրգ, 1887, էջ 222. «Պատմութիւն Հայոց արարեալ Կիրակոսի վարդապետի Գանձակեցոյ», Թիֆլիս, 1910, էջ 191—192, 229, 253, 266. «Մեծին Վարդանայ Բարձրբերդցոյ Պատմութիւն տիեզերական», Մոսկովա, 1961, էջ 106. «Ուխտանէսի եպիսկոպոսի Պատմութիւն բաժանման Վրաց ի Հայոց», հաւ. Ի. Վաղարշապատ, 1871, էջ 6 և ուրիշներ:

24 Եղիշէ. էջ 258. «Մովսէսի Կաղանկատուացոյ Պատմութիւն Աղուանից աշխարհին», Թիֆլիս, 1913, էջ 24:

25 «Ազաթանգեղայ Պատմութիւն Հայոց», էջ 422—423:

26 Նույն տեղում, էջ 422—423 (ընդգծումները մերն են — Ս. Հ.):

27 Փ. Բուզանդ. էջ 194:

«Հող երդոյն», ինչպես ցույց են տվել Հ. Մանանդյանը և Ն. Աղունցը, Աղաթանգեղոսի աշխատության հունարեն թարգմանության տեքստում թարգմանված է «arouras» բառով, որը բառացիորեն նշանակել է հողաչափ, հողի որոտարածություն²⁸, Պրոֆ. Ն. Աղունցը փորձեր է կատարել որոշել հող երդոյի arouras-ի չափը: «Հույն արուրա կամ լատին jugum, որ իրոք հողաչափ է, — դրել է հեղինակը. — մեծ բան չէ և անում է մոտ թառորդ հեկտար, դրեթև նույն չափ ղեկատիրն²⁹»: Աղաթանգեղոսի և Բուզանդի մոտ հիշատակված «հող երդոյի» իմաստը հասկանալու համար, շարունակում է Ն. Աղունցը, պետք է դիտենք, որ «Հռոմեական կայսրության մեջ Դիոկղետիանոսի որից հարկահանության հիմք կաղմում էր jugum, որ նշանակում է բառացի լուծ... հողի այն քանակը, որի արդյունքը բավական է մի մարդու ապրուստի համար: Հարկահանները, ասում է Աղունցը, պարզում և զրի էին առնում, թե յուրաքանչյուր հարկատու սորթան jugum-լուծ հող ունի: Ամեն մի լուծի համար պահանջվում է որոշ հարկ»³⁰, Եվ վերջապես Ն. Աղունցի կարծիքով «Ասորի դատաստանադրքի մեջ jugum բովանդակում է որպես հողաչափ 20, 30 և 60 iugerum, նայելով հողի հատկության, այսինքն 5, 8 և 12 հեկտար: Եթե ընդունենք, որ Պապր մի jugum (կամ մեկ «հող երդոյ» — Ս. Հ.) է թողել դուղական երեցներին և սարկավաղներին, քանակը բավարար է: Փոքր Հայքում և Պոնտոսում 30 jugera էր համարվում jugum»³¹, Եթե մենք ընդունենք, որ Հայաստանում էլ յուրաքանչյուր jugum կաղմել է 30 iugerum, ապա Տրդատ թագավորը ամեն մի ազարակին սպասարկող երեցի և սարկավաղի «երդերին» հատկացրել էր 12, իսկ ավաններում՝ 21 հեկտար հող: Պապի հողային ունեցություն հետո էլ ամեն մի «երդի» մնացել է 6 և 10¹/₂ հեկտար հող: Սակայն այս վկայությունների մեջ կարևորը միայն այն չէ, թե յուրաքանչյուր arouras «ուսուր» — «հող երդոյ» որքան հեկտար հող է պարունակել իր մեջ, այլ այն, որ ինչպես Հռոմեական կայսրությունում, Փոքր Հայքում, Պոնտոսում, այնպես էլ հին Հայաստանում դոյություն է ունեցել հողարածանման «հալասար», «բոստ մարդաթուի» հատուկ կարգի «Հալասար», «բոստ մարդաթուի» կամ «բոստ երդի» հողերը բաժանելիս կամ վերարածանելիս, նրանց վրա հարկեր ու տուրքեր նշանակելիս հաշվի է առնվել միայն մի հանգամանք՝ թե յուրաքանչյուր «ստուն», «ծուխ», «երդ», «ղեհ», «զերդաստան» քանի «ուտող բերան» «դուխ» կամ անձ ունեւր: Ավելին, հողի նկատմամբ տիրակալության իրավունքը փոփոխման էր ենթարկվում առանձին բնտանիքների անդամների և առանձին դյուղ-համայնքների բնակչության աճի ու փոփոխման հետևանքով: Համայնքում ընդգրկված ամեն մի «երդի» նորածին անդամը կարող էր հող ստանալ համայնքային հողերի վերարածանման տարիներին միայն, այնպես, ինչպես մահացածի հողարածինը վերցվում էր նույնպես հողարածանման ժամանակ: Համայնքում ընդգրկված ամեն մի բնտանիք ստանալով որոշ չափի հողամաս, իր սեփական աշխատանքով և արտադրամիջոցներով կազմակերպում էր իր տնտեսությունը և բերքը յուրացնում որպես մասնավոր սեփականություն:

28 Հ. Մանանդյան, Ֆեոդալիզմը հին Հայաստանում, էջ 17. և Աղունց, Պատմական ուսումնասիրություններ, էջ 175:

29 Ն. Աղունց, Պատմական ուսումնասիրություններ, էջ 175:

30 Նույն տեղում, էջ 177:

31 Նույն տեղում, էջ 178:

Անկասկած է, որ այս պայմաններում էլ համայնքային հողատիրականության իրավունքը ղեռնս պատկանում էր համայնքին: Սակայն համայնքից ամենից առաջ անջատվում և ժառանգական սեփականություն են դառնում այգիները, բանջարանոցները: Այս կատեգորիային պատկանած հողերը դառնում են մասնավոր սեփականություն այն պատճառով միայն, որ նրանց մշակողները վատնում են ոչ միայն հսկայական աշխատանք, այլև անձնական միջոցներ: Անձնական միջոցների, անձնական աշխատանքի և սեփական արտադրամիջոցների վրա կազմակերպված մասնավոր սեփականության աճն ու զարգացումը ավելի ու ավելի են խորացնում նյութական ու սոցիալական շերտավորումը համայնքի ներսում: Այս պայմաններում համայնքը ստանում է երկակի բնույթ, մի կողմից՝ ղեռնս համայնքի տնօրինության տակ մնում են վարելահողերը, արոտավայրերը, անտառները, ձկնորսարանները, զետերը, լճերը, մյուս կողմից՝ հողաբաժիններից ստացած բերքը, այգիները, բանջարանոցները դառնում են առանձին «երդերի» առանձին համայնականների մասնավոր սեփականություն:

Արտադրամիջոցների և ստացած արդյունքների նկատմամբ մասնատիրական իրավունքի առկայությունը, մի առիթով ասել է Ֆ. էնգելսը, ստեղծում է նախադրյալներ, որպեսզի «վարելահողերը ասսիմանարաբ համայնքի առումնով անդամների մասնավոր սեփականություն դառնան»: Բուն համայնքի ներսում և նրանից դուրս հետզհետե զարգացող մասնավոր սեփականությունը, շարունակել է էնգելսը, «տաքավ ազատ գյուղացիների առաջացմանը, ուրոնց սեփականությունն անջատվեց մարկից և մարկի համար դարձավ անմատ-նի»։ Այս պայմաններում համայնքի յուրաքանչյուր անդամ արդեն իրավունք է ստանում հողակտորների «վերաբերմամբ տնօրինություն անելու, վաճառելու կամ օտարելու այլ ձևերի միջոցով»։ *Առանձին համայնականի «տնօրինություն անելու, վաճառելու կամ օտարելու այլ ձևերի» իրավունքը, առաջնորդող տարածվում է նաև «արտերի, տնատեղերի, բնակելի շենքերի, բաճկ կից այլ կառուցումների վրա, որոնք նույնպես լիակատար սեփականությունն իրավունքի փոխարկվեցին»։*

Այս երևույթը, շարունակել է էնգելսը, հատուկ էր լեռնային, երկրի կենտրոնական մասերի հետ տնտեսական թույլ կապերով կապված շրջաններին միայն³²։

Զարգացած ֆեոդալիզմի դարաշրջանի հայկական երկրագործական համայնքի, համայնքային գյուղացիության իրավունքների և պարտավորությունների մասին, դժբախտաբար, նույնպես չառ վկայություններ չունենք։

Վիժակալ տարեկրություններում և Մ. Գոշի, Սմբատ Գունդստարի, Ստ. Օրբելյանի մոտ պահպանված մի շարք փաստերից ելնելով, կարելի է հաստատապես ասել, որ այս շրջանում էլ ղեռնս շատ ուժեղ և կենսունակ էր գյուղական համայնքը։

Մ. Գոշը իր «Յաղագս դատաստանաց թագաւորաց ևւ որք րնդ ձեռամբն նոցա» կանոնում ջանում է կարգավորել թագավորի և նրա վասալների միջև ստեղծված նոր հարաբերությունները։ Եթե, սահմանել է օրենսդիրը, թագավորն իր վասալ իշխանին նվիրել է «զաւառ» և իշխանը կառուցել է տվել

³² Ֆ. Է. Է. Է. Է., Սոցիալիզմի զարգացումը ուտոպիայից ղեպի գիտություն, Երևան, 1933, էջ 82 (բնագրություններ մերն են — Մ. Հ.)

«բերդ և կամ աւան», ապա այդ նորակառույցները պետք է «ի ժառանգութիւնս համաբնօցի նմա»: Ոչ ոք, շարունակում է Գոշը, իրավունք չունի խախտել թագավորի կամքը կամ թե փոփոխել այդ ժառանգությունն առանց մեծի և իրաւացի յանցանադ»: Ավելին, եթե իշխանները հանցապարտ են, եթե նրանց կենդանության օրոք բռնադրաված է եղել նրանց ժառանգությունը, ապա «զկնի մահու նոցա՝ ուրդոց նոցա լիցի հրամանաւ րազաւորի»³³:

Այնուհետև սահմանելով մեծամեծ իշխանների, նրանց ձեռքի տակ եղած աղատների և սրանց ու շինականների միջև ստեղծված հարաբերությունները Գոշը գրել է. «Սոյնպէս բնդ ձեռամբ իշխանաց ազատք լիցին և բնդ ազատառ ձեռամբ շինականք. յորժամ աւերս շինեցեն և հողս հատանիցեն ի մայրեաց, ստացուած լիցի անփոփոխ և ուրդոց նոցա յետ մահու. այլ փոփոխումն ի վերայ մեծի յանցանաց և իրաւացի լիցի, և մի՛ ի պատճառս զրապարտութեան փոփոխիցին»³⁴: Կան նաև այլ վկայութիւններ այն մասին, որ նորակառույց բնակավայրեր, գյուղեր, ավանք հանդիսանում էր առանձին համայնք, որ համայնքը ղեկնս ազատորեն տնօրինում էր իր տրամադրութեան տակ եղած հողային և ջրային ֆոնդը, որ այդ ֆոնդերը համայնքը սխտեմատիկաբար և այն էլ «հաւասարադատութեամբ» բաժանում և վերաբաժանում էր համայնքում բնդգրկված առանձին «ծխերի» և նրանց անդամների վրա, որ յուրաքանչյուր համայնական ստանում էր «հաւասար» և «ըստ մարդաթիւի» հողաբաժին և այն ժառանգելու, կտակելու, օտարելու իրավունք:

Եթե որեւէ գյուղ կամ համայնք նոր է հիմնադրվում, ասում է Գոշը, ապա «չլ հաստատուն բաժանումն հողոյն և ջրին և այլոց այսպիսեաց մինչ բաւական բնակիչ՝ ժողովիցին և ապա բաժանումն հաստատիցի»³⁵: Այս կանոնը որոշ փոփոխութեամբ Գոշից անցել է Սմբատին: «Վասն որ նոր գէղ շինէ» իր ճշգրտութեամբ Սմբատ Գունդստարլը սահմանել է, որ «Զլ պատեն մենակ զհողերն սինաւոով բաժնել, ինչուր զայ ամէն մարդ ու լցվի»³⁶: Սակայն ավելի ուշագրավ են երկու օրենսդիրների կողմից մշակված այս կանոնների երկրորդ մասերը: Եթե գյուղ-համայնքը, գրել են Գոշը և Սմբատը, որեւէ պատճառով ավերվել ու քայքայվել է և նրա բնակիչները յրել են իրենց հայրերի ու պապերի բնակավայրեր, բայց շատ կարճ ժամանակամիջոցում կրկին վերադարձել ու բնակութիւն են հաստատել նույն գյուղում ու վերականգնել նախկին համայնքը, ապա յուրաքանչյուր բնտանիք կարող է «ըստ սահմանի նախնեաց» կամ «զիր ճանչած սինաւոն» ևս ստանալ իր ժառանգությունը: Բայց եթե գյուղը շատ վաղուց է ավերվել և առանձին բնտանիքների հողաբաժինների սահմանները արդեն «անգիտելի» են կամ թե «տէրութեան փոփոխումն» է եղել, ապա իրավունք է վերապահվում համայնքին, նրա «զլխաւորին» կամ նրանց ուրբեր «զայնոց... գլուխք լինան», «նորոգ արասցեն... հողոյն և ջրին և այլոց այսպիսեաց» բաժանումը և վերաբաժանումը: Հողերի ու ջրերի բաժանումը կատարել «ըստ երդերի», «հաւասար», «ըստ մարդաթիւի» կամ «հաւասարադատութեամբ»:

33 Մ. Գոշ, Դատաստանագիրք, էջ 317 (այս և հետագա բոլոր բնդգծումները մերն են — Ս. Հ.):

34 Մ. Գոշ, Դատաստանագիրք, էջ 317:

35 Նույն տեղում, էջ 415:

36 С м б а т С п а р а п е т, Судебник, էջ 151:

Հողերի և ջրերի «հաւասարադատութեամբ» բաժանելուց առաջ, ամբողջ գյուղի կամ համայնքի համաձայնութեամբ, հողի մի մասը պետք է հանձնել գյուղի եկեղեցուն, իսկ «մասն աւելին» պետք է բաժին հանել նրան, ով «գլխաւորն իցէ գեղջն վասն հոգալոյ գայլս»³⁷։

Մ. Գոշը և Սմբատ Գունդստաբլը ավելի ուշագրավ կանոններ են մշակել այն մասին, որ առանձին գյուղերը, շեները հանդիսանում էին առանձին համայնքներ։ Մխիթար Գոշն իր «Յաղագս դատաստանեաց սահմանաց», իսկ Սմբատն իր «Վասն սինաւոաց» կանոններում գտնում են, որ «սահմանք» կամ «սինաւոք» «գիւղից» պետք է որոշել հատուկ նշաններով և «գրով ամրցնել»։ «Արձանօք» կամ «նշանաւ» դյուղերի սահմանները հաստատելիս պետք է որոշել նաև յուրաքանչյուր գյուղ-համայնքի հողերի, անդաստանների, այգիների, տունների սահմանները։ Մեր օրենսդիրները նորաստեղծ գյուղ-համայնքները հռչակում են ապահարկ։ «Նոր շինեսոյ տեղեաց, — ասում է Գոշը, — ազատութիւն լիցի մինչ զի ամենայնիւ հաստատիցի»³⁸։

Այս և մեզ հայտնի այլ կանոնները հաստատ հիմքեր են տալիս ասելու, որ միջնադարյան Հայաստանում դեռևս շատ ուժեղ և կենսունակ էր գյուղական համայնքը։ Յուրաքանչյուր համայնք ուներ իր սեփական «սահմանքն» կամ «սինաւոքն», որոնց շրջակայքում էլ բնկած էին համայնքային հողերն ու այլ մշակելի տարածութիւնները։ Ամեն համայնքի գլուխ կանգնած էր «գլխաւորն դեղջին»³⁹, «Ժողովրդապետն» կամ «ղեկանը»⁴⁰։

«Գեղջավագի», «Ժողովրդապետի» կամ «ղեկանի» գործունեության շառավիղը շատ մեծ էր. ինչպես նկատեցինք, նրա ղեկավարութեամբ էր կատարվում «հողոյն եւ ջրին եւ ալոց այսպիսեաց» բաժանումն ու վերաբաժանումը. նա էր ղեկավարում առուների, ջրանցքների, կամուրջների, ճանապարհների շինարարությունը, լուծում համայնականների կամ հարեան համայնքի միջև ծագած վեճերը. նշանակում էր ու գանձում հարկերը, տուրքերը։ Հանդիսանալով նաև հողատեր-ֆեոդալների կամ ֆեոդալական պետության ներկայացուցիչը գյուղում, նա պարտավոր էր կազմակերպել հասարակական մասշտաբի հարկագիր ու ձրի աշխատանքը, ռազմական արշավանքների ժամանակ դուրս բերել գումակ, կազմակերպել բանակի մատակարարումը և այլն։ Նա միաժամանակ պարտավոր էր խիստ հսկողություն սահմանել համայնքային դաշտերի, արոտավայրերի, այգիների, ջրերի վրա, որպեսզի յուրաքանչյուր համայնական օգտվեր հավասարապես։ Գեղջավագը սովորական համայնականրց տարբերվում էր նրանով, որ իր այս ծառայությունների դիմաց ստանում էր, ինչպես նկատեցինք, «մասն աւելի» հողամաս։

Սկզբնաղբյուրներում պահպանված հատուկենտ վկայությունների ուշադիր քննարկումը ցույց է տալիս, որ ընայած գյուղական համայնքը միջնադարյան Հայաստանում դեռևս շատ ուժեղ և կենսունակ էր, բայց համայնական այգիները, վարելահողերի մի մասն աստիճանաբար անցնում է առանձին հա-

37 Մ. Գոշ, Դատաստանագիրք, էջ 415, հմմտ. С м б а т С п а р а п е т, Судебник, էջ 151։

38 Մ. Գոշ, Դատաստանագիրք, էջ 441, С м б а т С п а р а п е т, Судебник, էջ 170—171։

39 Մ. Գոշ, Դատաստանագիրք, էջ 315։

40 Նույն տեղում, էջ 415։

41 Նույն տեղում, էջ 435։

մայնականներին որպես ժառանգական, օտարելի սեփականություն: Մ. Գոշի և Սմբատ Գունդստարյի այն գրույթները, թե ովքեր «հողս հատանիցեն ի մայրեաց ստացուած լիցի անփոփոխ և ուղիոց նոցա յետ մահու» կամ թե յուրաքանչյուր երգ իրավունք ունի «բոստ սահմանի նւխնեաց» կամ «զիր հիւճանաշած սինաւոն» ժառանգել իր հայրերի և պապերի հողակտորները՝ ապացույց են, որ մեզ մոտ էլ վարելահողերն աստիճանաբար համայնքում բնդարկված առանձին «երդերի» կամ համայնականների սեփականությունն էին դառնում: Համայնքներից աստիճանաբար անջատվում էին ոչ միայն վարելահողերը, այլև ալգիները, բանջարանոցները: Այն մասին, որ դարդացած ֆեոդալիզմի դարաշրջանում էլ դեռևս շատ կենսունակ էր գյուղական համայնքը, որ հայ շինականության մի զգալի մասը դեռևս բնդարկված էր գյուղական համայնքում և հանդիսանում էր համայնքի իրավահավասար անդամն ու կապված էր նրա հետ՝ մի երկու օրենք են սահմանել Գոշը և Գունդստարյը: «Յաղագս դատաստանաց գաւառաց և գեղից և նոցունց իրաց» ժ կանոնում խոսելով համայնքում բնդարկված շինականների իրավունքների ու պարտավորությունների մասին Մ. Գոշը գրել է, որ շինականները «զեղջին կամօք» միայն կարող են վարձակալել օտար վարձկաններ և նրանց հանձնել հավաքելու համայնքի այն բերքը, որը «ոչ իւրեանց իցէ»: Եթե կա գյուղի կամ համայնքը համաձայնությունը, այդ դեպքում «շինականաց իրաւացի է տասանորդել օտարացն ի կթել պտղոցն, որ ոչ իւրեանց իցէ, այնոցիկ՝ որոց իցէ սահմանն և բոստ խնդրոյ նոցին կամօք եղիցի»⁴²:

Մ. Գոշը և Սմբատ Գունդստարյը մշակել են հատուկ կանոններ հանցապարտ համայնականի արտաքին համար համայնքի կոլեկտիվ պատասխանատվության մասին: Եթե գյուղ-համայնքի սահմաններում հայտնաբերվում է սպանված մարդու դիակ, և հանցապարտը անհայտ է, ապա իրավունք է վերապահվում հանցապարտին որոնելու, հայտնաբերելու և դիակը թաղելու համար հրավիրել ոչ միայն այն շենի բնակիչներին, որի սահմանների մոտ կատարված է հանցագործությունը, այլև «այլ շինութեանն աղէկ մարդիկ»: Հավաքված համայնականները և այլ շենի «աղէկ մարդիկ» պարտավոր են «շափենն քէ ի յոր շինոյ ի մաւտ և սպաննածն»: Եթե սրանք հաստատում են, որ դիակը գտնվել է այս կամ այն շենի մոտ և հանցապարտն անհայտ է, ապա այդ շենի շինականները պարտավոր են գնել «պատանձ» և մոմեղէն, ու տալ քաղում...»: Բայց եթե սպանվածը ազատ քաղաքացի է և ոչ վարձկան կամ ծառա, շենը պարտավոր չէ վճարել նաև տուգանք, բայց եթե «տէր զայ» սա գաւեան գինն այն շէնն վճարէ՝ ու ի մաւտ լինի»⁴³:

Եթե մենք այլ փաստիչ շունենայինք, ապա օրենքի ուժ ստացած այս կանոնները բավական էին ապացուցելու, որ յուրաքանչյուր շեն հանդիսանում էր մի տերիտորիալ-տնտեսական համայնք՝ իր անդամների համայնական շահերի բնդհանրությամբ: Ակնհայտ է, որ ամեն մի շեն-համայնք կոլեկտիվ

42 Մ. Գոշ, Դատաստանագիրք, էջ 327: Մ. Գոշի Դատաստանագիրքի ձեռագիր մի քանի բրինակներում ավելի որոշակի է սահմանված համայնքի անդամ շինականի իրավունքներն ու պարտավորությունները: Համայնական շինականն իրավունք չի ունեցել «տասանորդել օտարացն ի կթել պտղոցն», եթե չկա համայնքի համաձայնությունը: Վաճառ վարձկաններ, գրել է Գոշը, որոնք «գան և կթեն և վարձս առնուն ի տասնէն դմինն. և զեղջին կամօք լիցի յորում սինաւ պտղոյն էր»:

43 С м б а т С п а р а п е т, Судебник, էջ 139: Մ. Գոշ, Դատաստանագիրք, էջ 333:

կերպով պատասխանատու էր իր առանձին անդամի հակահասարակական արարքի համար:

Զարգացած ֆեոդալիզմի դարաշրջանի գյուղական համայնքի մասին մի շարք վկայություններ է թողել Ստ. Օրբելյանը: Սյունյաց տան մատենագիրը բառեր չի գտնում փառաբանելու հայոց թագավորներին, մեծամեծ, գահակալ իշխաններին, բազմաբանակ ազատներին այն առատ նվերների համար, որ նրանք հանձնում են Սյունյաց վանքերին ու եկեղեցիներին: Հայոց աշխարհիկ և հոգևոր ֆեոդալները, ասում է պատմիչը, վանքերին ու եկեղեցիներին վախժ հն անում իրենց պապերից ու հայրերից իրենց «հրիտակ» հասած կամ «րնդ գնոյ գնեալ եւ ստացեալ» «հալալ հայրենիք» գյուղեր, այգիներ, կալվածներ, խոշոր և մանր եղջերավոր անասուններ:

Հայոց Սմբատ Բագրատունի թագավորը և հոգատեր-ֆեոդալները միայն Տաթևի վանքին նվիրում են շուրջ 50 գյուղ, ավան, շեն: «Բայց քէսլէտ գայս ամենայն տուրս արարին. — գրել է Ստ. Օրբելյանը, — գրնակիչս բերդին Ֆուրայ ոչ կարսւցին հանել ի տեղոյն. զի հին հայրենի տէրք էին և բարբարոսք եւ պիղծ մարդիկ. այսպէս եւ ոչ գՏամալէկս... կարացին սեպհականել. զի եւ նոքա նոյնպիսիք էին (այսինքն «հին հայրենի տէրք էին» — Ս. Հ.): Էր եւ աւագականոց մի բերդ... ու Առաւելսդաշտն կոչեն... եւ գայն եւս ոչ հալածեցին. յորոց վտանգ ոչ սակաւ հասանէր Եւրայրութեանն»⁴⁴:

Անկասկած է, որ այս հատվածում հիշատակված գյուղերը հանդիսանում էին առանձին համայնքներ, իսկ համայնքներում ընդգրկված գյուղացիները՝ հին հայրենատերք-սեփականատերեր: Որ համայնքը դեռևս հանդիսանում էր համայնական հողերի և կալվածների տնօրինողը, որ հին հայրենատեր գյուղացիները հանդիսանում էին իրենց հողաբաժինների սեփականատերերը, այդ են ապացուցում նույն մատենագրի մոտ պահպանված այլ փաստեր ևս:

Ծրբ Տաթևի վանքը, շարունակում է մատենագիրը, համառ պայքարից և հսկայական միջոցներ ծախսելուց հետո չկարողացավ դուրս անել վանքից կից երեք գյուղերի բնակիչներին և «սեպհականել» նրանց հողաբաժինները, դիմեց Սյունյաց Սմբատ իշխանի և Սոփի իշխանուհու օգնությանը:

Սյունյաց Սմբատ իշխանը և Սոփի մեծ իշխանուհին գործարքի մեջ են մտնում Տամալեկ գյուղի «հին հայրենի տէրք» գյուղացիների հետ և վարելով 1000 դահեկան, գնում և վանքին են նվիրում Տամալեկ գյուղի հողերը: Այս գործարքից հետո Տաթևի տեր Հակոբ վանահայրը թողել է հետևյալ կալվածագիրը.

«Այս իմ ձեռին գիր է Տէր Յակոբայ՝ Սինեաց եպիսկոպոսի. բազում ջանիւ և աշխատութեամբ թափեցի զՏամալէկս որ բազում նեղութիւն էին հասուցեալ տունս. եւ Տեառն Յովհաննիսի ջանացեալ էր եւ շէր կարացեալ թափել: Արդ՝ հնազանդեալ մեր հրամանացս տէր Սմբատ եւ Սոփիա տիկին՝ առին ընդ գնու 1000 դահեկանի, և Ետուն ի սուրբ նշանս»⁴⁵:

Ոչ միայն մեծամեծ, գահակալ իշխանները, այլև հայոց թագավորները երբեք տիրակալության կամ տնօրինության իրավունք չեն ունեցել համայն-

⁴⁴ «Պատմութիւն նահանգին Սիսական, արարեալ Ստեփաննոսի Օրբելեան արքեպիսկոպոսի Երևանաց», Թիֆլիս, 1910, էջ 230 (այս և հետագա բոլոր ընգրկումները մերն են — Ս. Հ.):

⁴⁵ Նույն տեղում, էջ 271:

քային հողերի նկատմամբ: Ահա մեզ հայտնի բազմաթիվ վկայություններից մի երկուսը միայն:

906 թ., գրել է նույն պատմիչը, երբ ավարտվեց Տաթևի վանքի շինարարությունը, վանքի առաջնորդը և 500 «եղբայրները» վանքի բացման առիթով հրավիրում են ոչ միայն Սյունիքի, այլև Հայաստանի մյուս շրջանների մեծամեծ իշխաններին և այդ թվում Սմրատ Բագրատունի թագավորին: Հայոց թագավորը վանքին տալիս է առատ եկեղեցիներ, բայց նա ստիպված հսկայական միջոցներ է վճարում և «հին հայրենի տէրք» գյուղացիներից «ընդ զնոյ» գնում ու վանքին է հանձնում Հարժիք գյուղը և Կարճավանը⁴⁶, 976 թ. Նախավկայի վանք այցի եկած Աշոտ Բագրատունի թագավորը նույնպես վճարելով հսկայական միջոցներ, որպես «արծաթագին հայրենիք» գնում է Ճվաշ գյուղը և նվիրում նույն վանքին⁴⁷: Աշոտ Բագրատունու դուստր Հովհաննես թողել է հիշատակ այն մասին, որ ինքը, վճարելով մեծաքանակ դրամ, «ընդ զնոյ» գնում է Աստապատ դաստակերտը և նվիրում նույն վանքին⁴⁸:

Ամենից ուշագրավն է 1292 թ. վիճական արձանագրությունը:

Այս արձանագրությունից ակնհայտ է դառնում, որ Սյունյաց Տարսայիճ մեծ իշխանի կին Մինախաթունը իր «հալալ ընչից» վճարելով զգալի միջոցներ գնում է հին «հայրենատիրացն» պատկանած հողերն ու այգիները և նվիրում Նորավանքին: Խիստ ուշագրավ է սույն արձանագրության վերջին մասը: Ընդհանուհին տալիս է արձանագրել, որ «այս տուրքս» նա վանքին է հանձնում ոչ թե զրկողության ճանապարհով, այլ «հալալ դրամագնով»⁴⁹:

Այսպիսով, գյուղական համայնքը դեռևս շատ ուժեղ ու կենսունակ էր նաև զարգացած ֆեոդալիզմի դարաշրջանում: Համայնքում ընդգրկված «հին հայրենի տէրք» գյուղացիության և հողակտորների և անձերի վրա դեռևս չէր հաստատվել հողատեր-ֆեոդալների իշխանությունը: Գյուղացի համայնական ունեի իր ժառանգական, օտարելի հողակտորը, այգին, բանջարանոցը, իր և բնտանիքի անգամների անձնական աշխատանքի ու սեփական արտադրամիջոցների վրա հիմնված մասնավոր սեփականությունը:

Բայց անմտություն կլինեի ասել, որ համայնքում ընդգրկված գյուղացին թե՛ անձնապես և թե՛ տնտեսապես բացարձակապես անկախ ու ազատ էր և ենթակա չէր ֆեոդալական պետությանը կամ հողատեր ֆեոդալին: Սկզբնաղբյուրներում պահպանված վկայությունները ցույց են տալիս, որ ֆեոդալական պետությանը, աշխարհիկ և հոգևոր ֆեոդալներին հարկեր և տուրքեր են վճարել ու ֆեոդալական այլ պարհակներ կատարել ոչ միայն նրանց սեփական, այլև նրանց ենթակա «տուրքապարտ» գյուղերի բնակիչները ևս:

Մ. Գոշն իր «Յաղագս դատաստանաց թագաւորաց ևւ որք ընդ ձեռամբն նոցա» կանոնում ասում է, որ թագավորներին իրավունք է վերապահված ոչ միայն իշխել իրենց հպատակների վրա, այլև «հարկ առնուն յաղգաց»⁵⁰ կամ «ի շինուածս քաղաքի ևւ բերդի, սահմանել է Գոշը, եթէ պակասիցէ զանձ արքունի, — ամենեքեան հասարակ վճարիցեն»⁵¹: Այս կանոններում հիշատակ-

46 Նույն տեղում, էջ 228—229:

47 Գ. Հովսեփյան, Հիշատակարանք ձեռագրաց, էջ 133:

48 Նույն տեղում, էջ 139—140:

49 «Վիճական տարեգիր», էջ 134—136:

50 Մ. Գոշ, Դատաստանագիրք, էջ 300:

51 Նույն տեղում, էջ 210:

ված «յազգաց» և «ամենեքեան» բառերը ապացույց են այն բանի, որ ազդի և ամենայն ժողովուրդ հասկացությունների մեջ իմաստավորվել է նաև համայնքային գյուղացիությունը: Սկզբնաղբյուրներում պահպանված բազմազան վկայությունների ուշադիր ուսումնասիրությունը ցույց է տալիս, որ հայ ֆեոդալական հասարակական-տնտեսական ֆորմացիայի անմիջական նյութական բարիքներ արտադրողները (այդ թվում նաև համայնքային գյուղացիությունը) ֆեոդալական պետությանը, հողատեր-ֆեոդալներին, ֆեոդալականացված վանքերին ու եկեղեցիներին վճարել են բազմատեսակ հարկեր ու տուրքեր և կատարել այլ պարտականքներ: Անմիջական նյութական բարիքներ արտադրողները վճարել են «արքունի հարկ», «արքունի շաղ», «արքունի նեպակ», «թաստակ», «աշխարհական հարկ», «շարիատ», «խալի», «անասնահարկ», «հաս», «պտուղ», «տասաւանորդ»: Բացի այս և այլ հարկերից նրանք կատարել են «կոռ», «բեկար», «արքունի լուծ», «արքունի ծանրութիւն» պարտականքներ:

Անտարակուսելի է, որ ինչպես պետական-տրքունական, մասնատիրական, վանական-եկեղեցական հողերի վրա նստած, այնպես էլ համայնական գյուղացիները հարկատու և տուրքապարտ էին ու կատարում էին այլ սպարտականքներ:

Սակայն համայնքում ընդգրկված գյուղացիության կախվածությունը, համեմատած գյուղացիական այլ խավերի հետ, ուներ խիստ սահմանափակ բնույթ: Ինչպես նկատեցինք նրա անձի վրա դեռևս չէր տարածվել հողատիրոջ իշխանությունը. համայնքը դեռևս շատ կենսունակ էր և ունակ դիմադրելու համայնքի նկատմամբ հողատեր-ֆեոդալների ոտնձգություններին: Ավելին, կան խիստ ուշագրավ վկայություններ այն մասին, որ համայնքում ընդգրկված «հին հայրենի տէրք» գյուղացիները տարեկան պարտավոր էին կատարել 4—5 օր կոռային աշխատանք միայն, այն դեպքում, երբ մասնատիրական գյուղացիության կոռային աշխատանքը նրանցից խլում էր 40—60 օր:

Ահա այդ վկայությունները: Մ. Դոշը իշխաններին և տերերին պաականած հողերի վրա նստած գյուղացիության կոռային աշխատանքը որոշել է շաբաթը մեկ օր: «Այսպէս և յաւուրս շաբաթու յեօթնէ մին գործիցի իշխանին և տէրունի, այլ աւելի աշխատելն զձեռամբ անկեալն անիրաւութիւն մեծ է»⁵²: Սակայն տերերը, իշխանները սիստեմատիկաբար խախտում էին այս օրենքը և ստիպում էին իրենց ենթակա գյուղացիներին կատարել «մեծ ու փոքր» կոռեր. գյուղացին պարտավոր էր կատարել ոչ միայն «մարդոյն», այլև «եզին», «սայլին», «կամին» և «վեցկէ» կոռեր: Դատելով ըստ Ստ. Սրբելյանի մոտ պահպանված մի վկայության, կարելի է հաստատու պես ասել, որ կոռ էին կատարում նաև առանձին համայնքները և համայնքներում ընդգրկված «հին հայրենի տէրք» գյուղացիները: Ստ. Սրբելյանին վերագրված «Ժամանակագրութիւն» աշխատության հավելվածում պահպանվել է մի խիստ ուշագրավ «հարկացուցակ»: Ուշագրավ է նաև նրա խորագիրը՝ «Հուլվարն այսինքն վաւական գիւղօրէից հողոց տասաւանորդքն»⁵³: Այստեղ հաջորդաբար թվարկված

52 Մ. Դոշ, Դատաւտանագիրք, էջ 315:

53 Պաամագրության մեջ այն կարծիքն է հայտնվել, որ իրր այս «հարկացուցակը» կազմվել է XVII դարում: Բայց հայտնի է, որ Սյունիքի գավառների վարչական կազմը XII—XIII դարերում ենթարկվել է լուրջ փոփոխությունների: Հայտնի է նաև, որ 1006 թ. հետո Սյունիքի կազմի մեջ մտնում է նաև Նախիջևան քաղաքը: Եթե «հարկացուցակը» կազմված լիներ XIII դարից հետո, կամ XVII դարում, ապա բնական է, որ վարչական այս փոփոխությունները պետք

են այն բոլոր գյուղերի անունները, որոնք պարտադիր կերպով Տաթևի մանրին վճարել են «հաս», «սպտուղ» և «տասանորդ» կոչված հարկերն ու տուրքերը: Սակայն հարկացուցակում նշված է նաև վանքահայտակ գյուղերի բնակչության կողմից վանքի օգտին կատարված կոլեկտիվ կոռային աշխատանքի քանակը: Այսպես օրինակ, Տաթև գյուղի բնակիչները բացի «Ի՛ր բնացորեն, Ի՛ր լիոր մեղր» վճարելուց, պարտավորվել են տարեկան «գլխովին բոլոր գեղովն մէկ մէկ օր վար անեն. Բ՛ օր հունգ անեն և մէկ օր այ ջառ անեն ինչ ուր լինի. և մէկ օր եզնաւածքն վանքի համար խոտ հաւեն»:

Սրվարանց գյուղը պարտավորվել է վճարել «Ի՛ր բնոն և Ի՛ր մարգանցորեն, և Ա՛ օր վար անեն Բ՛ օր հնձնն, և եզնաւածքն Ա՛ օր խոտ հաւեն, և իւրեանց գեղի առաջի մարգիքն ևս հաւեն և Ա՛ օր այ ջառ անեն: Աղանց՝ Խ՛ բնոն, Ա՛ մարգանցորեն և Ա՛ օր վարեն և Ա՛ օր վեցկուն եզնաւածքն խոտ հաւեն և օր հնձին ջառ անեն: Տանձատափ՝ Զ՛ բնոն և Կ՛ մարգանցորեն, Ա՛ մղեան հուլար տան. Ա՛ օր վարեն, Կ՛ օր հնձեն, Ա՛ օր խոտ հաւեն և Ա՛ օր ինչքան հանգիպի ջառ անեն վանքին»:

Արդ, ի՞նչ են ապացուցում այս հատվածները. նախ նրանք գալիս են մեկ ավելորդ անգամ հաստատելու, որ ամեն մի գյուղ հանդիսացել է մեկ առանձին համայնք: Համայնքը պատասխանատու է եղել հասարակական մասշտաբի ձրի և հարկադիր աշխատանքի կազմակերպման համար: Այնուհետև, եթե մասնատիրական գյուղացիները անձամբ և իրենց քաշող ուժով պարտավոր էին կոռ կատարել հողատեր-ֆեոդալի կալվածքների վրա, նրա տանը, կալում, ապա համայնքում բացառվել է անհատական կոռը. կոռը կատարել է ամբողջ գյուղը և այն էլ տարին 4—5 օր:

Ավարտելով մեր հոդվածը ավելորդ չենք համարում կատարել մի քանի բնդհանուր եզրակացություններ:

1. Գյուղական-երկրագործական համայնքը մեզ մոտ կազմակերպվում է ղեռնա նախաֆեոդալական շրջանում. արդեն Իսկենդրոնի օրոք նա հանդիսանում էր հայկական հասարակության նյութական բարիքներ արտադրող հիմնական միավորը:

2. Գյուղական համայնքն իր գոյությունը պահպանում է և՛ վաղ, և՛ զարգացած ֆեոդալիզմի դարաշրջաններում: Ինչպես նախորդ, այնպես էլ այս պատմաշրջաններում յուրաքանչյուր գյուղ, չեն, ազարակ հանդիսանում էր առանձին համայնք: Յուրաքանչյուր գյուղ-համայնք իր տնօրինության տակ ուներ վարելահողեր, մարգագետիններ, արոտավայրեր, գետեր, լճեր, ձրկանորսարաններ: Սակայն յուրաքանչյուր տարի կամ թե մի քանի տարին մեկ անգամ համայնաժողովի որոշմամբ և գեղջավազի առաջնորդությամբ կատարվում էր «հաւասար և ըստ մարդաթուի» վարելահողերի բաժանումը և վերաբաժանումը:

Հողն ու ջուրը բաժանելիս, հարկերն ու տուրքերը քաշխելիս հաշվի էր առնվում, թե յուրաքանչյուր «սուն», «ծուխ», «երդ», «գերդաստան» քանի

է որ իրենց արտահատությունը գտնեին հարկացուցակում: Լեւոնարաբ մենք գտնում ենք, որ հարկառուցակը կազմվել է ոչ շուտ քան X և ոչ ոչ քան XII դարը, բայց ոչ մի դեպքում XVI դարում:

54 Ա. Ղ. Արբա համայն, Ստեփաննոս Օրբելյանի «Ժամանակագրությունը», Երևան, 1942, էջ 44:

«գլուխ»։ «Ուտող բերան», անձ ուներ և քանի «լուծ»։ Ամեն մի երգ ստանում էր որոշակի հոգ, որը հայտնի էր «հոգ երգոյ» անվան տակ։ Ամեն մի երգ ստանալով իր «հոգ երգոյն», կազմակերպում էր իր անհատական տնտեսությունը և բերքը յուրացնում որպես մասնավոր սեփականություն։

3. Ամեն մի գյուղ-համայնք կոլեկտիվ կերպով պատասխանատու էր համայնքի առանձին անդամների արարքների համար։ Եթե համայնականը կատարում էր քրեական ծանր հանցանք և լքում համայնքը, ապա նրա հանցանքի ողջ պատասխանատվությունը ընկնում էր համայնքի վրա։ Համայնքը պարտավոր էր կամ հայտնաբերել հանցապարտին կամ թե տուգանք վճարել։

4. Համայնքը և համայնքային գյուղացիները «տուրքապարտ» և «հարկատու» էին։ Նրանք հարկեր ու տուրքեր էին վճարում ֆեոդալական պետությանը և հողատեր ֆեոդալներին։ Բացի հարկերից և տուրքերից նրանք պարտավոր էին կատարել նաև ֆեոդալական այլ պարհակներ։

5. Համայնքում ընդգրկված գյուղացիները հայտնի էին «հին հայրենի տեղ» կամ «հայրենատեղ» անունով։ Սրանք իրենց սոցիալ-տնտեսական դրությունը և իրավունքներով տարբերվում էին հայ շինականության այլ խավերից։ Համայնքում եղած գյուղացիները հանդիսանում էին իրենց հողաբաժինների ժառանգական սեփականատերեր։ Հայ ֆեոդալական իշխանությունները, ֆեոդալականացված վանքերն ու եկեղեցիները, աշխարհիկ ֆեոդալները ղեկավարում էին իշխանությունը չլին տարածել նրանց անձի վրա։ Հայոց թագավորները, մեծամեծ և գահակալ իշխանները ոչ թե «բռնութեամբ», «զրկութեամբ», այլ «ընդ գնոյ» միայն կարող էին ղնել նրանց հողակտորները։

Ոչ միայն վաղ, այլև զարգացած ֆեոդալիզմի դարաշրջանում համայնքային գյուղացիության տոկոսը շատ մեծ էր և երկրի տնտեսության մեջ նա խաղում էր առաջնակարգ դերերից մեկը։

СЕЛЬСКАЯ ОБЩИНА В ДРЕВНЕЙ И СРЕДНЕВЕКОВОЙ АРМЕНИИ

Проф. С. Е. АКОПЯН

(Р е з ю м е)

Вопрос о существовании в древней и средневековой Армении сельской общины затронут в трудах Н. Адонца, А. Манандяна, Х. Самуэляна и других. Если Адонц категорически отрицал существование сельской общины в Армении, то Манандян и Самуэлян, наоборот, доказывали ее наличие в Аршакидской и Багратидской Армении. Однако в трудах указанных историков не получили всесторонней разработки следующие вопросы: как и при каких исторических условиях возникла и развивалась сельская община; в каких взаимоотношениях находилась она с феодальным государством и землевладельцами; каково было социально-экономическое положение членов общины. На основании изучения первоисточников в статье делается попытка осветить перечисленные вопросы.